

淨土叢書

28

普為贈借淨籍贊助編纂及損資
助印預約讀誦受持展轉流通者

回向偈曰

願以此功德
增長諸福慧
所有刀兵劫
疾病災難等
先亡皆超昇
風雨常調順
國運永昌隆
法界諸含識

消除宿現業
圓成勝善根
水火及饑饉
普願盡消滅
現眷咸安樂
人民悉康寧
世界普和平
同證無上道

中華民國六十一年四月初版
中華民國七十年七月再版
西元二〇〇六年二月十五日三版

淨土叢書 全部精裝四十八冊

原編纂者 毛 惕 園 居士

倡印處：(馬來西亞)新山阿彌陀佛蓮社
17, Jalan Permas 10/3, Bandar Baru Permas Jaya,
81750 Johor Bahru, Johor, Malaysia
電話：607-3875122 傳真：607-3867122
手機：6019-7620272

承印處：福峰圖書光碟有限公司
台北市士林區永公路500巷48號
電話：〇二・二八六一九九〇五
本書願與世界各淨宗學會及念佛團體結緣

第二十八冊

目次

著述部

(士)

淨土切要

人生之最後

到光明之路

處亂世趨吉避凶之法

黑暗世界的兩幕

脫離苦海

出苦飛航

快樂無雙

指歸淨土

五方便念佛門

往生禮讚

清陳熙願纂述

民國江味農修訂

民國弘一講

民國李圓淨述

民國聶雲台

民國聶雲台

民國丑先難述

民國何侃如說

民國丑先難述

民國劉覺華述

隋智顗撰

唐善導

淨土切要

淨土切要序

今夫苦樂縱橫、一靈萬變、升沈往返、疲苦遷流。世人但知一時是人身、未曾放眼而觀也。故於日用上、繁興執著、境強心弱、神氣有時而衰、則六道茫茫、未卜其託於何所矣。若能以佛之心爲心、則心強而境弱、以心吞境、念念融之、一佛當心、諸魔皆退、生前無障、命盡往生。惟此勤念彌陀、可稱換骨靈丹耳。嗚呼、千方易得、一效難求。道術儒宗、禪教戒律、修行之途大而廣、捨念佛一法、當從何處出頭耶。今翻刻淨土切要一書、略論其機、以告三生眷屬。

咸豐辛酉年四月佛誕日淨業學人無相室謹序

蓮池大師云、雜念是病、念佛是藥、念佛正治雜念、而不

能治者、因念不親切也。旨哉言乎。耕塘表兄、夙具慧根。研究經典。每日虔誦佛號。縣密無間。近得淨土切要一編。其示人念佛之法。在誠信專一。而以斷除妄想爲工夫。增長淨因。直至彼岸。洵修心之寶筏也。因重付剞劂。以公同志。自度度人。遞相化導。無復魔業。謂非無量功德哉。

咸豐乙卯秋七月潘曾瑩序

淨土切要

優婆塞眞益陳熙願纂述

優婆塞龔叟江妙煦修訂

或問孔子曰、人有遷家而忘其妻者、有諸。孔子曰、又有甚焉。桀紂則忘其身。若以道眼觀之、今人皆忘其身矣。何則。自早晨開目離寢、至夜就寢閉目、無非塵勞。未嘗暫省吾身、是皆忘其身也。且人之於身、以日言之、莫大於飢渴、必爲飲食之備。以歲言之、莫大於寒暑、必爲裘葛之備。以終身言之、莫大於生死、而不爲之備。何愚之甚哉。非眞愚也。特不知有修淨土之法、可爲生死之備。

耳。譬如人至遠地，必先覓下處，然後出去幹事。則抵暮昏黑，有投宿之地。先覓下處者，修淨土之謂也。抵暮昏黑者，大命將盡之謂也。有投宿之地者，生蓮華中，不至沈淪惡趣，受諸苦惱之謂也。由此觀之，念佛而修淨土，修淨土而往生，經言壽命無量，有樂無苦，其爲終身之備，不亦大哉。乃今猶有知而不修者，其故何歟。噫，吾知之矣。或因家無靜室，或因不能長齋，或因事煩心勞，殊不知念佛正要在鬧處鍊。不拘行住坐臥，嘈雜之所能，一心不亂，則少聲勝多聲。所謂心淨卽土淨也。念佛長齋，固屬甚美，然與其必待長齋而始念佛，何如卽行念佛而漸進於長齋。但能先戒殺生，至誠念佛，或每日只食早素，或每月茹素數天，以期漸漸進步，如此庶不致

空過時光。生前即可滅罪消愆。命終亦得超生淨域也。至於念佛之數。清閒者固多多益善。若事冗而發無上菩提之心。即亦不必例此。夫終日雖忙。豈無片刻之暇。何不挪一茶之頃。心不外馳而念佛。在勞心者。可藉以養心。勞力者。亦可藉以蓄力。事之有益無損。孰有過於此乎。況念佛之益。不特獲驗乎壽終。併可見功於現世。經云。若人受持我佛名號者。現世當獲十種功德利益。一、晝夜常得諸天大力神將。併諸眷屬。隱形守護。二、常得二十五大菩薩。如觀世音等。及一切菩薩。常隨守護。三、常爲諸佛晝夜護念。阿彌陀佛。常放光明。攝受此人。四、一切惡鬼。若夜叉。羅刹。皆不能害。一切毒蛇。毒龍。悉不能害。五、一切火難。水難。冤賊。刀箭。牢獄。桎械。橫死。枉

死悉皆不受。六、先所作罪、皆悉消滅。所殺冤命、彼蒙解脫、更無執對。七、夜夢正直。或復夢見阿彌陀佛勝妙色身。八、心常歡喜。顏色光澤。氣力充盛。所作吉利。九、常爲一切世間人民恭敬、供養、禮拜、猶如敬佛。十、命終之時、心無怖畏。正念現前。得見阿彌陀佛、及諸菩薩聖衆、手持金臺、接引往生西方淨土。盡未來際、受勝妙樂。佛切戒人妄語、必不自妄語以誑人。世人之妄語者、非以規利、則以避害。佛無求於世、何規利之有。佛視生死、如刀斫虛空、何避害之有。是佛無所用其妄語也。苟信佛無妄語、宜熟玩下列之四則勸言。修生淨土、併宜用以勸人。自度度他、使在在齊登覺路。人人共出迷津。功德無量。是所望於諸君焉。

一 勸發心念佛

諸善人。世間有千條路、萬條路、如何獨勸人念佛。因人之念頭、所係甚重。牽魂引魄、造命生身、莫不由此。念善生天堂、念惡入地獄。念魔便成魔、念佛便成佛。所以勸人念佛。十方三世百千萬億佛、如何只勸人念阿彌陀佛。因阿彌陀佛曾發四十八願、願願度衆生。又因阿彌陀佛與娑婆衆生有緣。無論僧俗男女、能念佛、無不攝受。故事專心持名。即蒙接引往生彼國。就是惡人、能至心懺悔持名、亦可帶業往生。所以勸人念阿彌陀佛。今人都曉得念佛好。但爲多生累劫、貪、瞋、癡、愛、種業甚深、故難發心。諸善人。當知娑婆世界、苦惱極多。你看世人、有極貧極賤的。有多災多病的。有鰥寡孤獨的。有妻不賢、

子不肖的。各人有各人的苦境、各人有各人的苦情、其苦固不待言。卽如富貴康強之人、庭闈聚順之家、件件俱足、種種如意是不苦的了。怎奈壽命有限、且不說那短命的。縱饒你活到百歲、大限到來、難免一死。到這時節、只落得一棺長閉、萬事皆休。昔日豪華、而今安在。說到此處、仍舊是苦。若在生行惡的、死去、地獄餓鬼畜生、隨業受報。直至惡業償清、纔得轉個人身。就是在生行善的、也不過種些福報之因。猶恐前世孽重、先要償完。則轉世便要受苦、墮入三塗。縱使前世無大罪業、後世卽得福報。且不說福無十全。受福者一般也有苦處。就令十分快樂。富貴享盡、仍舊貧賤。況一享富貴、容易作業、保不得不墮在地獄餓鬼畜生隊裏。漫說人間富貴、

縱行了極大善事，生在天上。天福享盡，仍舊墮落，終究是苦。因三界中有這般苦處，所以我佛慈悲，說一卷阿彌陀經，教人念佛，得生極樂世界，永離諸苦，長享快樂。這是金口親宣，佛戒妄語，豈反妄語欺人。但人類不一，不發心念佛的，因由也不一，有不知道念佛的利益，不念，有不信心，不念，有貪著眼前的快樂，不念，有因諸般罣礙，不念，種種不同。殊不知這一聲佛，無人不可念，無人不當念。何以言之。若必盡棄士農工商百工技藝等事，而後方能念佛，則不能曰無人不可念也。然而修行持名者，凡一切資生事業，皆不相妨。既不廢業，又不費錢，而可免輪迴之苦，生極樂之邦，世之有利無害，簡便易行之事，孰過於此。何謂無人不當念耶。卽如清閒人，

正好念佛。家有恒業、不勞經營。或有父兄子弟可靠、自身安閒無事。這等人是他前世修積來的、不可多得。正好就此修行。若虛度光陰、空過一生、最是可惜。忙忙人正好念佛。縱不能如無事之人、六時課誦、也須忙裏偷閒。龍舒淨土文云、每日早晨、至心十念、心專願切、亦得往生。若依此法門、強似一生忙碌、到頭成空。富貴人正好念佛。富貴縱然長久、怎奈身不堅牢。何不就此百樣現成、發心念佛。貧窮人正好念佛。前世不修、今生貧苦。今再不修。一死之後、如秤槌落井、何時得出。況此念佛法門、並不耽誤你求衣求食。有此方便、如何不修。少年人正好念佛。乘精神強壯、求無上菩提、日積月累、功不唐捐。況人命不齊、儘多夭折。若克潛修、藉佛護而享上

壽。回視夭者，始信用功之不謬。衰老人，正好念佛。過了許多歲月，來日已無多矣。若不急求了脫，終無了時。何不以有限之光陰，急急求生淨土，是真能了人所不能了也。有兒女人，正好念佛。常言：有子萬事足。又道：兒孫自有兒孫福。這等人，正好安心學佛。他卻癡愛不捨，自甘終身作馬牛。全不想費了多少心血，竟與自己一無干涉。生死到來，縱極孝的，也不能相代。鰥寡孤獨之人，正好念佛。他不欠人的，故無人來討債。人亦不少他的，故無人來還債。夫少一分愛戀者，即少一分纏縛。少一分纏縛，即少一分業障。與世緣淺，便與佛緣深。然則子然一身，不憂男婚，不愁女嫁，生少煩勞，死無挂礙。這等人，真是世間第一等好修行的人。趁此專意西方，跳出

生死、乃事半而功倍者也。妻妾恩愛的正好念佛。古人道夫妻恰似同林鳥、大限來時各自飛。又道骨肉恩情相愛難期、白首團圓、何如雙修極樂。他時把臂蓮臺、作無量劫之佛友、較有限之恩愛、豈非更美。骨肉怨憎的正好念佛。冤家相會、雖親不親。不早解釋、益結益深。你若常念彌陀、現世即得解脫。婦女們、正好念佛。因婦女本是五漏墮落之身。正愁不得脫離。好容易得這念佛法門、還不急急修行、離了苦趣。況阿彌陀佛所發四十八願、其第三十五願云、設我得佛、十方無量不可思議諸佛世界、其有女人聞我名字、歡喜信樂、發菩提心、厭惡女身、壽終之後、復爲女像者、不取正覺。以此之故。婦女專修淨土。必能穩坐蓮臺。成菩薩身。證菩提果。惟斷